

本草蒙筌

本草蒙筌卷之三

新安祁門月朋陳嘉謨廷承纂輯

門生

歙邑葉裴鮑倚
婿胡一貫姪晨校刊

草部下

附子

味辛甘氣溫大熱浮也陽中之陽也有大毒係

烏頭傍出故附子食名皮黑體圓底平山芋狀相仿

拂畏人參黃耆甘草併黑豆烏韭防風惡蜈蚣使地

膽種蒔川蜀蜀人蒔冬月收採者汁全頂擇正圓一

兩一枚者力大製宗陶氏槌法以刀去淨皮臍先將

薑汁鹽水各半甌入砂鍋緊煮七沸次以甘草黃連

各半兩加童便緩炙一時撈貯罐中埋伏地內晝夜
週畢固音固焙乾藏須密封用旋薄剉仍文火復
炒庶劣性盡除氣因浮中有沉功專走而不守凡和
群藥可使通行諸經以為引導佐使之劑也除四肢
厥逆去五臟沉寒噤閉牙關未納鵝管吹入紅突丁
毒末調醋塗消口瘡久不差醋麪和末貼脚底脚
氣暴發腫醋汁攪末敷患間漏瘡剉片如錢封口加
艾可灸煖脚膝健步堅筋骨強陰佐八味丸中壯元
陽益腎非附子不能補下焦陽虛故八味丸加桂附
他冊溪謂加為少君木附湯內散寒濕溫脾陰經直
陰向導也非是

中真寒薑附湯煎可禦此須生用不在製拘助其緩

緩

參耆成功健潤滯地黃建効內傷熱甚速入勿疑

治外感證非得身表涼四肢厥者不可借用經云壯火食氣故也治內傷證縱身表熱甚而氣虛脉細者

正宜速入經云溫能除大熱是也俗醫不知誤為補劑日相習用寧

不殺人孕婦忌煎墮胎甚速○立春生者乃謂烏頭

因有腦類烏烏頭顱竟假名為醫家呼喚氣味製度

俱與附同本經云春採為烏頭冬採為附子又云附

子頂圓正烏頭頂歪斜宗此別之族弗差謬忌豉汁

惡藜蘆及半夏括萎暨貝母及欬白蠟遠志為使諸

經亦行理風痺卻風痰散寒邪除寒痛破滯氣積聚

去心下痞堅亦善墮胎孕婦切忌煎膏名**須識**

敷箭射禽獸即亡倘誤中人甘草急瀉藍青萍草亦

可解之○

烏喙

音兩岐頂上兩狀如牛角喙者乃烏

之口因類亦假爲名一應俱同烏頭惟使別用莽草

主風濕陰囊瘙癢止寒熱歷節掣疼亦墮妊娠更消

癰腫○

天雄

亦係一種其體畧細而長氣味相同製

度弗異惡腐婢使亦遠志忌豉汁制須乾薑專補上

焦陽虛善治一切風氣肢寒濕痺緩急拘攣卻頭面

風往來疼痛助武勇力作不倦消結積身輕健行調

血脉益精墮胎孕通竅○

側金

狀如棗核又從附子

傍生長惡無差但宜生用理脚氣驗散風癰良掃巢

癰惡瘡却冷氣濕痺如前墮孕女科當知○毗穗亦

一名

不慈子

者是令人喪目藥中忌之

謾按附子烏頭烏喙天雄側子射罔木鼈子七名
實出一種。但治各有不同。今尊會編附其總論。天
雄長而尖者。其氣親上。故曰非天雄不能補上焦。
陽虛附子圓而矮者。其氣親下。故曰非附子不能
補下焦。陽虛烏頭原生苗。腦形如烏。烏之頭得母
之氣。守而不移。居乎中者也。側子散生。傍側體無
定在。其氣輕揚。宜其發四肢。充皮毛。爲治風瘳之
神妙也。烏喙兩岐相合。形如烏喙。其氣鋒銳。宜其
通經絡。利關節。尋蹊達徑。而直抵病所也。煎爲射
罔。禽獸中之即死。非氣之鋒銳捷利者。能如是乎。
又有所謂木鼈子。乃旌喙烏附側中有毗穗者。其

形摧殘其氣消索譬如疲癯殘疾之人百無一能徒爲世累且又令人喪目宜其不入藥用也

天南星

味苦辛氣平可升可降陰中陽也有毒下濕

極多在處俱有苗類荷梗直起高僅尺餘葉如蕸葉
杪生兩枝相抱花若蛇頭黃色子結作總鮮紅根比
芋猶圓肌細膩且白本經載虎掌草即此後人以天
南星改稱亦與鬼蒟蒻相伴每逢冬月間候採殊不
知蒟蒻莖斑花紫根極大肌麓南星莖青花黃根畧
小肌細炮之易裂得此纔真製須多泡生薑湯七八
或研填入牯牛膽臘月黑牯牛膽一箇用南風乾過
年成塊剉碎復炒拯疴方書謂之牛膽南星即此是

也。倉卒不能得此，依前薑湯泡，或火炮並殺毒，用但性猶烈也。乃上行治肺經本

藥，欲下行資黃蘗引之。畏生乾薑及黑附子。散跌撲

即凝瘀血，墜中風不語，稠痰利胃，瀉下氣，墮胎，破堅

積，誅癰消腫。水摩龜蛇蟲咬毒，醋調貼，破腦傷風，癰

突，頰頤麝加敷愈。先用小針十數，按作一把，癰上微刺，通氣，用新青星醋摩加麝少許。

日敷二次，任如

半蒴一名略味辛微苦，氣平。生寒熱，溫沉而降，陰中陽也。

有毒。山谷川澤處有之。苗起一莖，莖端三葉，根名

半夏。八月採收。反烏頭，惡皂莢，畏雄黃，生薑乾薑秦

皮。龜甲忌。羊肉羊血海藻飴糖使宜。射干柴胡經入

足膽脾胃。久藏入藥，同橘皮謂二陳。生嚼戟喉，則生

喉人宜沸湯製七次仍加薑制纔可投瓶若研末挽
少枯礬每泡過半夏四兩共研拌薑汁捏作小餅楮葉包
裹風際陰乾此又名**半夏麴**也片則力峻麴則力柔
總主諸痰驗證佐助火痰黑老痰膠加芩連栝樓海
粉寒痰清濕痰白入薑附蒼木陳皮風痰卒中昏迷
皂角天南星和痰核延生腫突竹瀝白芥子攪切痰
厥頭疼止痰飲脇痛散逆氣除嘔惡開結氣發音聲
脾瀉煎敲心汗且飲蓋脾惡濕半夏專能燥濕勝水
故爾孕婦忌用恐墮胎元如不得已用之復加薑汁
炒過消渴及諸血證尤禁莫加因燥反助火邪真陰
愈被熬害津枯血耗危殆日侵不得不預防也

夏消癰腫成顆者摩水敷蠟子蝨人塗上即愈婦人產後暈絕爲丸塞兩鼻中能頃刻回甦此扁鵲捷法謨按內經云腎主五液化爲五濕自入爲唾入肝爲淚入心爲汗入脾爲痰入肺爲涕丹溪又云有痰曰嗽無痰曰欬是知痰者因嗽而動脾之濕也半夏惟能入脾以瀉痰之標不能入腎以瀉痰之本然欬無形痰有形無形則潤有形則燥所以爲流濕潤燥之劑也又小柴胡湯中加之以治傷寒寒熱半助柴胡以主惡寒半助黃芩而能去熱及往來寒熱皆用之有各半之意故因而名曰半夏云本經別以守田目之者蓋緣夏半前後人多耘

蔣在田斯又指名而生意也

第二卷貝母欬後謨按宜叅看

赤白鱉

味苦辛氣平陰中之陽魚毒生荆襄破澤近

霜降採根狀若鯽魚黃白體重者美麪包火炮加醋
復炒過鱉色白屬在氣邊專破血中之氣故消癥瘕
血塊證煎豉積聚氣滯疼虛者忌煎恐損真氣○仍
有三種亦附其名**鱉**色若烏梅輕鬆去皮則白
○**鱉**形如鷄爪屈曲根上生根○又**石三稜**色
黃體重堅硬如石總消積氣主治相同

蓬萊菜

味苦辛氣溫無毒多產廣南諸州或生江浙

田野子如乾椹葉似蕺荷莖錢大畧高根類薑成塊

茂生根底相對似卵大小不常九月採收依前炮製
色黑屬在血分氣中之血專破瘀癥止心疼通月
經消瘀血治霍亂積聚惡症和傷入氣藥仍發諸
香在女科真為要劑凡求速効摩酒單嘗

骨碎補

味苦氣溫無毒陰濕山谷生長最多根着樹

石上有毛葉附兩小葉相對

每一大葉還附小葉槎牙兩兩相對不結

花實至冬乾黃入藥採根刮去毛用補骨節傷碎療
風血積疼破血有功止血亦効本名曰胡孫薑唐明
皇以其主折傷甚驗故易名骨碎補也

牡丹

味辛苦氣寒陰中微陽無毒多生漢中巴郡花

開品色異常富貴來先賢贊揚賞玩為當世貴重凡

資治療。惟採根皮。家園花千層根氣發。奪無力。山谷
花單瓣。根性完。具有神。功專利多。自蒸補最入劑之
際。不可不知。今市多取枝梗皮代充。或採五加皮。雍
賣。乖謬殊甚。選擇宜精。經入足腎少陰。及手厥陰。包
絡。忌葫蒜。畏菟絲。涼骨蒸不遺。止吐衄。必用。除微堅
瘀血。留舍於腸胃中。散冷熱。血氣攻作。於生產後。仍
主神志不足。更調經水欠勻。治風癰。定搐止驚。療難
腫。排膿住痛。

謨按牝牡乃天地稱。牡則爲群花首。花爲陰成實。
葉爲陽發生。丹係赤色象離。陰中之火能瀉。致丹
溪云。地骨皮。治有汗骨蒸。牡丹皮。治無汗骨蒸。蓋

有見於此爾。本經又云主神志不足神不足手少陰也。志不足足少陰也。張仲景八味丸用者。又非主於斯乎。

大蓰

味甘苦。氣溫。一云氣涼。無毒。雖係兩種。氣味

不殊。隨處田野俱生。北平

今改

出者力勝。蓋蓰門以

蓰取名。則可徵矣。凡資治病。五月採根。

大蓰

高三四

尺餘。葉多青刺。而皺。花開如髻。赤若紅藍。比人因之。

呼爲千針草也。破血捷。消腫奇。吐衄唾咯立除。沃漏

崩中即止。去蜘蛛蠍子咬毒。平炊突。痛甚。癰疽並搗。

爛絞濃汁半甌。攪薑便。或醇酒飲下。

小蓰

苗高尺許。

花亦如前。但葉畧差。有刺不皺。僅理血疾。不治外科。

劉寄奴草

味苦氣溫無毒山側道傍春煖即產凡用入藥隨時採收下氣止心腹急疼下血卻產後餘疾消癰腫癰毒戒湯火熱瘡圖研泡熱水下咽腸瀉無疫者即已原因劉裕小名寄奴用此以治金瘡獲效竟指名曰劉寄奴草也

紅藍花

味辛甘苦氣溫陰中之陽無毒各鄉俱蒔五

月旋收因葉似藍故此爲譽堪染顏色可作臘脂欲留日曝乾入藥手揉碎惟入血分專治女科下胎死腹中爲未生聖藥療口噤血暈誠已產僊丹多用則破血通經酒煮方妙少用則入心養血水煎却宜喉車壹塞不通搗取圖旋曬天行痘瘡難出研細圖

未酒吞**固**搗敷遊毒殊功○**鹽**滴時耳立效

延胡索

御製味辛苦氣溫無毒來自安東縣歸生從

奚國因避宋諱改玄為延形類半夏色黃用須炒過
咀片專入太陰脾肺一云又走肝經調月水氣滯血
凝止產後血衝血暈跌撲下血淋露崩中心腹卒疼
小腹脹痛並治之而即効也

蜜金

味苦氣寒純陰屬土與金有水無毒色赤蕪黃

生蜀地者勝體圓有節類蟬肚者真倘或入藥難求
採山茶花可代燒灰存性研細調服涼心經下氣消陽毒生肌
禁尿血除血淋蕪毆血氣作痛破惡血止吐血仍散
積血歸經因性輕揚上行又治鬱遏殊効名由此得

曾載本經

薑黃

味辛氣溫無毒。圖經云：是經種三年已上老薑

也多生江廣。

江西湖南

亦產蜀川。色比鬱金甚黃。形較鬱

金稍大。論主治功力。又烈過鬱金。破血立通。下氣最捷。主心腹結氣。併症忤積。氣作膨。治產血攻心。及撲損瘀血爲痛。更消癰腫。仍通月經。

謹

按鬱金薑黃兩藥實不同種。鬱金味苦寒。色赤。

類蟬肚圓尖。薑黃味辛溫。色黃。似薑瓜圓大。鬱金最少。薑黃常多。今市家惟取多者欺人。謂原本一物。指大者爲薑黃。小者爲鬱金。則世間之物俱各大小不齊。何嘗因其異形而便異其名也。此但可

與不智者道爾。若果爲是，則鬱金亦易得者。又何必以山茶花代耶？

艾葉

味苦，氣生寒，熱溫。陰中之陽，無毒。各處田野有。

以復道者爲佳。初春布地生，與草蒿狀頗類，但葉背白，風動微香。每端午朝天，明多採，或懸戶資穰疫，厲或藏家防治病邪。莖服宜新鮮，氣則上達，灸火宜陳久，氣乃下行。揉碎入四物湯，安胎漏，腹痛，搗汁撓，四生飲，止吐衄，唾紅。艾附丸同香附末開鬱結調月經溫煖子宮，使孕早結。薑艾丸同乾薑末蜜丸，散冷氣，去惡氣，逐鬼邪氣，免證久纏。和研細雄黃，熏下部，墮疰濕痺，及疥癬神効。和蠟片訶子，熏痢後寒熱急痛，并帶漏。

殊功作炷灸諸經穴不差鑿竅拔風濕毒尤驗。取
入藥令人有娠助水臙壯陽煖腰膝明目。○又
產筠州山屬湖廣葉圓長背白有芒莖獨植高二尺
許氣香似艾採亦端陽治諸般風勞止遍身疼痛。

謨按艾葉本經及諸註釋悉云生于田野類蒿蓀
道者爲佳未嘗以州土拘也世俗反指此爲野艾
至賤視之端午節臨僅採懸戶辟疫而已其治病
症遍求蘄州所產獨莖圓葉背白有芒者稱爲艾
之精英儻有收藏不吝價買彼勝仕宦亦每採此
兩京送人重紙包封以示珍貴名益傳遠四方盡
聞今以形狀考之九牛草者卽此人多不識並以

艾呼經註明云氣雖艾香實非艾種醫用作炷以灸風濕痺疼癆熱積聚嘗獲効者亦因辛溫可以通利開竅而已謂之全勝真艾未必能然大抵人之常情貴遠賤近泥于習俗膠固不移縱有本經之文諸家之註何嘗着一目視以爲真僞之別耶噫可勝嘆哉可勝嘆哉

地榆

味苦甘酸氣微寒氣味俱薄陰中陽也無毒山谷俱有生長八月採根曝乾惡麥門冬宜人頭髮皴理血病惟治下焦止婦人帶下崩中及月經不斷卻小兒疳熱瀉痢致積熱時行寒痔瘻來紅禁腸風下血散乳癰愈金瘡因性沉寒故諸血熱者可用倘若

虛寒水瀉冷痢切宜忌之

第一卷五加皮款後謨按宜參看

紫草

味苦氣寒無毒人家園圃多有種栽三月採根可煎染紫凡資入藥去根取茸益氣補中通竅利水治目黃成疸療腹滿作疼合膏敷癰癰瘡癰疽單煮托

斑痘瘡瘰

茜草

味苦氣寒陰中微陽無毒多產郊原一名地血苗牽長蔓延草上根紫色收採春初煎汁可染絳紅入藥勿犯銅鐵療中多蠱毒吐下血如爛肝治跌打損傷凝積血成瘀塊虛熱崩漏不止勞傷吐血衄時來女子經滯不行婦人產後血暈凡諸血證並建奇功

除乳結為癰理體黃成疸

馬鞭草

味甘苦氣微寒有小毒江淮川郡多村墟陌

路有苗葉類菊又若狼牙高二三尺莖圓抽四五穗

花紫

春開細碎紫色秋後再花

穗較鞭鞘不異故以馬鞭為名主

下部墮瘡併金瘡積血作疼研末敷妙曾治楊梅瘡

重後洗湯氣綿到便覺爽通女人月水及血氣成癥

結瘕生搗煎良

醇酒煎服

去小腹卒痛難當禁久瘡發熱

不斷絞腸沙即効纏喉痺極靈殺諸般瘧蟲消五種

瘡塊

夏枯草

味苦辛氣寒無毒曠野平原隨處俱有葉類

旋覆花似丹參冬至後發生夏至時枯庠故謂夏枯

草也四月收採洗淨陰乾凡用拯疴王瓜爲使破癥
堅癭瘤結氣散瘰癧鼠瘻頭瘡寒熱堪歐濕痺熱卻
謨按夏枯草稟純陽之氣得陰氣即枯故逢夏至
槁枯也丹溪有言善補養厥陰血脈之功能治肝
虛目疼冷淚不止羞明怕日久甚昏花用夏枯草
五錢香附子一兩研細爲散茶調下咽服之誠有
神功惜乎本經未之及也

白部

味甘苦氣微溫又云微寒無毒一云有小毒隨
處生長用惟取根劈開去心酒浸火炒主肺熱上氣
止年久欬嗽急求治傳尸骨蒸殺寸白虵蟲須用又
專除蠱亦可去瘰癧燒湯洗牛馬身蟲不生燒煙薰樹

木蛀蟲即死。人家炕爐盡逐蠅蠅。

百合

味甘氣平無毒。洲渚山野俱生。花開紅白二種。

根如胡蒜。小瓣多層。人因美之。稱名百合。**本草**者。養臟益志。定膽安心。逐驚悸狂叫之邪。消浮腫痞滿之氣。止遍身痛。利大小便。辟鬼氣。除時疫。欬逆。殺蠱毒。治外科癰疽。乳腫喉痺。殊功。發背搭肩立効。又張仲景治傷寒壞後。已成百合病。證用此治之。固取名同。然未識有何義也。蒸食能補中益氣。作麵可代糧。過荒**本草**者。僅治外科。不理他病。凡採待用。務必分留。**前胡**味苦氣微寒無毒。山谷多產。秋月採根。色白。蕪黃氣香甚。竄凡用入藥。須日曝乾。畏藜蘆惡皂莢。以

半夏爲使去痰實如神胸脇中痞滿立除心腹內結氣即逐治傷寒寒熱又推陳致新消風止頭疼保嬰利疳氣

旋覆花

味鹹甘氣溫無毒一云冷利有小毒叢生深谷中又名金沸草顏色深黃如菊人又呼金錢花七月採收曝乾入藥治頭風明目逐水濕通便去心痞噫氣痞堅消胸結痰唾膠漆驚悸亦止寒熱兼除倘病者稍涉虛羸防損氣不宜多服理金瘡止血根主風濕續筋

大黃

味苦氣大寒味極厚陰中之陰降也無毒形同牛舌產自蜀川必得重實錦紋勿用壓萎汚黑使黃

苓一味入陽明二經。欲使上行。須資酒製。酒浸達蘗頂上。酒洗至胃脘中。並載舟楫。少停。仍緩國老草。不墜。有斯佐助。纔去病邪。如欲下行。務分緩速。欲速生使。投滾湯一泡。便吞。欲緩熟豆同諸藥久煎。方服入劑。多寡看人實虛。蓋性惟沉不浮。故用直走莫守。調中化食。霎時水穀利通。推陳致新。頃刻腸胃蕩滌。奪土鬱無壅滯。定禍亂建太平。因有峻烈威風。特加將軍名號。仍導瘀血。更滾頑痰。破癥堅積。聚止疼敗癰疽熱毒。消腫勿服太過。下多亡陰。若研末鷄清調稠。可敷上火瘡。取効。

謨按大黃極寒。硫黃極熱。二黃氣味懸隔。何號將

軍相同。蓋硫黃係至陽之精，大黃乃至陰之類，一能破邪歸正，抵出陽精，一能推陳致新，裁定禍亂，並有過乎諸藥之能，宜其同得居上之號也。

連翹

味苦，氣平，微寒，氣味俱薄，輕清而浮，升也。陽也。

無毒，莖短微赤，葉狹常青，花細瓣深黃，實作房黃黑。因中片片相比，狀如翹，應故名。凡用採收，須擇地土生川蜀者，實類椿實，殼小堅，似椿實未開者外完而無跗萼。剖則中鮮氣甚芬香，纔乾便脫莖間，不擊自然落下。生江南者，實若蒺藜殼，柔軟，外有跗萼抱之，解脉絕，無香氣，自少。乾久尚著莖上，任擊亦不脫離，以此爲殊。惟蜀最勝，去梗旋研入劑，方靈。餘剩密藏，氣味免。

失經入少陰心臟手足少陽陽明瀉心經客熱殊功
降脾胃濕熱神効。毆惡癰毒蠱毒去寸白蟲蛇蟲瘡
科嘗號聖丹血證每爲中使通月水下五淋義蓋取
其結者散之故此能散諸經血凝氣聚必用而不可
缺也。實人宜用。虛者勿投。○**通經**係根之名。仲景方
云去熱本經未載此亦附之。

第

夜音

味苦氣平微溫。屬金有木與水火陰中陽也。

無毒。川澤郊原隨處生長。葉如翅羽。俗呼烏髮根。
一說葉類萱草堅強根多短鬚黃黑。花開四種。紫白
紅黃。丹溪取紫爲真。只因試過有驗。三月三日採根
曝乾。凡藥劑投煎。務米泔浸宿。散結氣。旋平癰毒。逐

瘀血竟通月經止喉痺刺疼口熱穢臭去因勞而發之濕熱潰硬腫殊功行太陰厥陰之積痰消突核甚捷仍治胃滿氣脹更療欬急涎多

篇蓄

味苦氣平無毒春月布地生在處沿路有苗類

瞿麥根若蓬蒿葉細竹葉相同莖赤釵股近似節間花綻色微青黃五月採收陰乾入藥主浸淫疥瘙疽痔治卅石發衝眼疼去小兒蛇蟲療女子陰蝕

苦參

味苦氣寒沉也純陰無毒田野山谷隨處有生

採根曝乾嚼之極苦反藜蘆莫入惡貝母菟絲使宜玄參惟作丸服不散入治腸風下血及熱痢刮痛難當療溫病狂言致心燥結胸垂死赤痢眉脫者敵風有

功黃疸遺溺者逐水立効掃遍身瘰癧止平暴心疝
除癰腫殺疥蟲破癥瘕散結氣養肝氣明目止淚益
腎精解渴生津利九竅通便安五臟定志_生作莢
十月堪收亦明目輕身惟久服有驗

旋生苗

味苦氣寒有毒不拘州土處處有之種春時

旋生苗作藤蔓繞墻垣籬塹待秋月方開花_{如敗子}

_{日西開}結實白皮裹外成毬葉發枝間有三尖角子

歲毬內亦三蕪稜九月採收曝乾多有黑白兩種_黑

者屬水力速_白者屬金効遲炒研煎湯並取頭末除

壅滯氣急及疰瘕蠱毒殊功利大小便難併脚蒲水

腫極驗

護按東垣云牽牛非神農經藥出名醫續註云味苦寒能除濕利小便治下疳脚氣據所說氣味主治俱誤凡藥中用牽牛者少則動大便多則瀉下如水乃導氣之藥試取嘗之味則辛辣又嚼雄壯漸漸不絕非辛而何續註謂味苦寒果安在哉牽牛但能瀉氣中濕熱不能瀉血中濕熱況濕從下受下焦主血是血中之濕宜用苦寒之味也張仲景治七種濕證小便不利無一藥犯牽牛者非不知牽牛能瀉濕利小便也爲濕病之根在下焦是血分中氣病不可用辛辣氣藥反瀉上焦太陰之氣故也仲景尚不敢輕用夫何世醫不分血氣而

一槩用之乎。夫濕者水之別。有形者也。若肺先受濕。則宜用之。今則不問有濕無濕。但傷食或欲動大便。或有熱證。或作常服尅化之藥。罔不用之。豈不悞哉。殊不知牽牛比諸辛藥。瀉氣尤甚。張文懿公嘗謂牽牛不可躑嚅。脫人元氣。吾初疑藥有何躑嚅。後每見人因酒食病痞者。多服神芎丸等藥。皆犯牽牛。初服則快。藥過復痞。仍前再服。隨藥而効。由是愈信躑嚅。又服暗傷元氣。而猶不知悔悟也。治當益脾健胃。使元氣生發。自然腐熟水穀。此治無以加矣。經云。辛瀉氣。肺氣病者。無多食辛。况飲食勞倦所傷在胃。胃氣不行。心火乘之。胃受

火邪名曰熱中。脈經云：脾胃主血，其所生病當于血中瀉火。潤燥破惡血，瀉胃之濕熱也。胃熱上炎，肺受火邪，當用黃芩之苦寒以瀉火，當歸之辛溫以瀉血。結桃仁之辛甘油膩以破惡血，煎除燥潤大便，然猶不可專用。須于黃耆人參甘草諸甘溫甘寒補元氣瀉陰火正藥內，兼而用之。何則？上焦元氣已自虛弱，津液不足，口燥舌乾。若反用牽牛氣味俱陽大辛之藥，重瀉其已虛之元氣，復耗其津液，利其小便，以致陰火愈甚。故重則死，輕則夭，誠可憫也。牽牛感南方熱火之化所生者也。血熱而瀉氣，差悞甚矣。若病濕勝，氣不得施化，政大小

便不通則宜用之耳。濕去則氣得周流。所謂五臟有邪更相平也。經云一臟不平以所勝平之火能平金而瀉肺者即此也。近世錢氏瀉黃散中獨用防風過于他藥一二倍者以防風辛溫能于土中瀉金之子不使助母也。經云從前來者爲實邪謂子能令母實故以所勝平之也。晦菴語錄中有秋食薑則天人天年經止言辛瀉氣而晦菴云然戒之深也何則秋分食薑令人瀉氣故禁之。夏月食薑不禁者熱氣主旺之時宜以汗散薑能發汗以越其熱也。薑尚如此況牽牛乎可見味辛之物皆有宜禁之時亦猶牽牛不可一槩用之也。

葶藶

味辛苦氣大寒沉也陰中之陰無毒一云小毒

用之當熬陝西河北俱多曹州屬山出者獨勝延生

田野收採夏間粒如黍區小微黃製隔紙文火畧炒

惡殭蠶石龍芮使榆皮得酒良種因甜苦兩般證量

輕重各用**葶藶**行水走泄迅速形壯證重者堪求

葶藶

行水走泄緩遲形瘦證輕者宜服苟或鹵莽

易致殺人逐膀胱伏留熱氣殊功消面目浮腫水氣

立効肺癰喘不得卧非此難痊華蓋大葉為肺湯主之出仲景方痰

飲欬不能休用之易愈主癥瘕積聚結氣理風熱瘡

癢癰瘡久服虛人須記勿犯

澤蘭

味苦甘一云苦辛氣微溫無毒水澤多生家園

亦種苗高二三尺許紫節方葉有四葉生有毛

但不光潤八月花開白色狀與薄荷花同初採微辛

此爲異耳採收入藥防已使良埋胎產百病淹纏文

科須覓消身面四肢浮腫濕中宜求破宿血去癥瘕

殊功行瘀血療撲損易効散頭風目痛追癰腫瘡膿

長肉生肌利關通竅○根色紫黑爲名與栗根

相侔凡血證俱治女人產後堪作菜蔬○又種

收彷彿澤蘭葉類莖色畧異細認纔知果益妳續

斷乳如神仍去痔收脫肛最捷炙令香燥漬酒飲之

味苦氣溫純陽無毒本經云乃番國蘿蔔子

也原本產諸胡地今亦蒔于嶺南春月生苗夏間結

子。子作細茨。至秋採收。得桃仁大茴香。治膀胱疝氣。
効三味。麩炒各等分。研末。半以酒調。九半為散。每用五七十丸。酒下。散以燕米飲調。下與九子相宜。空服。日各得硫黃黑附子。療腎臟虛冷。佳。敗脹痛。一二服。即効。

腹脇中。退青黃面頰上。

龍膽

味苦甘。氣平。無毒。盛出河陝荆蜀。蔓生。葉作三

叉。秋月採根。狀類山羊。一種莖有刺者。根白實。一種莖無刺者。根軟虛。種雖兩般。白者為勝。又與菝葜小異。凡收切。勿混真。蓋接莖根。作塊。赤黃草薺根。細長淺白。博物誌亦曰。菝葜與草薺相亂。時人每呼白菝葜者。即草薺也。利刀切片。酒浸烘乾。凡用。極忌食牛肉。畏葵根牡蠣。及柴胡大黃。為使。宜薏苡仁。治痺

靈風寒濕腰背冷痛止筋骨掣痛除補水髓益精縮
小便明目逐關節久結老血掃肌膚延生惡瘡仍主
悲怒傷中尤療老人五緩○別種亦係蔓生俗
呼金剛根又呼龍根延發山野地採根秋月切片曝乾
浸赤汁煮米粉膏辟時疫瘟瘴極驗搗碎末釀醇酒
飲去風毒脚痺殊佳止小便益血氣腰背疼甚煎服
亦靈

謹按近道所產呼爲冷飯團即草薺也俗之淫夫
淫婦多病楊梅瘡劑用輕粉愈而復發久則肢體
拘攣變爲癰漏剉草薺三兩或加皂角刺牽牛各
一錢水六碗煎耗一半溫三服不數劑多差原因

水衰肝挾相火凌土土屬濕主肌肉濕熱鬱于肌
滕故爲癰腫經曰濕氣害人皮肉筋脉是也萆薢
味甘淡去脾濕濕去則榮衛從筋脉柔肌肉長而
拘攣癰漏並愈此亦理也初病服之不効者火盛
而濕未鬱萆薢長于去濕而劣于去熱病久則火
已衰而氣已耗氣耗則濕鬱用之去濕故効也

預知子

味苦氣寒無毒出淮南及漢黔諸州係藤蔓

附大木直上葉三角綠色背淺面深實五月作房生
青熟赤子藏房內六七多枚如皂角子褐斑似飛蛾
蟲光潤欲求極貴因得甚難取二枚綴衣服領中遇
毒物則有聲側側能先知覺故有此名服須去皮研

細湯下殺蟲誅蠱諸毒並歧根搗水煎服効尤速

菝葜

味苦氣寒有小毒一云氣熱無毒沃壤多生平

澤亦有氣作猪臭故名菝葜此草多生江東其葉經言呼猪為菝葜

因其氣類故此名之五六月採收七月五日並宜採枝葉

花實俱用鹿茸蜜酒層層和灑九蒸九曝完全細末

研成蜜丸豆大蚤起空腹吞服酒下多寡隨宜療暴

中風邪口眼喎斜者立効治久滲濕痺腰脚痠痛者

殊功搗生汁服之主熱鬱煩滿服多則吐惟少為宜

謾按此草處處俱生視之多有異狀金稜銀線素

根紫莖對節生枝方梗圓葉如戟修製服誠益人

百服則耳目聰明千服則鬚髮烏黑追風逐濕備

本草綱目 卷三
作泛開古方每竭贊揚深功難盡著述可見至賤之類却有殊常之能醫者不可因賤而不收病家亦勿謂賤而不製服也

藜蘆

味苦氣平有小毒平原曠野俱有莖圓一二尺高葉數大彷彿紫蘇花白黃儼若耳菊八月結子粒細而尖任收研散爲丸大能殺蟲追毒虻虻咬心腹卒痛者肥肉汁調下即安砒霜毒吞腸胃未裂者濃蘆汁送下立吐

酸漿

味酸氣平寒無毒園圃田坂處處有生春開白花旋結青殼子藏殼內大若櫻珠臨熟盡變深紅五月堪取啖食孕婦吞下立分娩無憂小兒食之能

除熱有益**根**搗汁極苦治黃疸易消**根**採陰乾亦利水道定志益氣鮮燥除煩

石葦

味苦甘氣平微寒無毒叢生山谷石上者真不

聞人聲水聲者効葉長似柳背有黃毛不拭射人肺中即成欬嗽難治務先去淨復拌羊脂炒變焦黃方入藥劑得菖蒲妙使杏仁良治遺溺成淋通膀胱利水療癰疽發背去惡風止煩益精氣補五勞除邪熱安五臟○生瓦上者**石葦**爲名治淋亦佳本經曾載

海金沙

本經不言氣味只云出產黔州屬一二尺

高株材甚小七月收取拔起全科晴日襯紙地間將此曝於紙上以杖敲擊自落細沙且曝且敲沙盡爲

度用為丸散專利小腸得梔子牙硝蓬砂可共療傷
寒任熱本註又云小便不通臍下滿悶者用此一兩
臘茶五錢絕細研成煎生薑甘草梢調下三錢不通
再又服之旋可以取効也

海藻

味苦鹹氣寒無毒一云有小毒東海所生葉類

萍藻根著水底石上莖如亂髮而烏七夕採收性反
甘草治項間瘰癧消頸下癭囊利水道通癰閉成淋
瀉水氣除脹滿作腫辟百邪鬼魅止偏墜疝疼○又
種處長乃名**海帶**柔軟堪以繫物入藥多用催生亦
療風濕煎下水濕○**海帶**亦係海菜治與海藻功同
散結潰堅並著奇効

護按榮氣不從外爲癰腫堅硬不潰仗此可消蓋
三藥味俱鹹經云鹹能軟堅隨各引經藥治之則
堅無不潰腫無不消也

雞骨

味苦辛氣寒無毒川蜀多生湖浙亦有擇如雞

骨入藥方靈忌菰菜鷄肉葱畏玉札勿令犯截溫瘡

吐痰沫殊功鮮傷寒敗寒熱立効水脹堪逐鬼蠱能

消勿滾熱下咽必露冷過宿凡服此須頭晚煎熱露

年趁久病人全忌形瘦稍虛者少煎蓋性悍兇敗逐

甚捷功不淹過者也○苗名雞骨味苦純陽五月收

採陰乾使宜結菱桔梗散火邪錯逆破癰瘕散堅除

痞結積凝辟蠱毒鬼疰久瘡兼治欬逆且調切勿服

多亦防惡吐

味苦甘。氣大寒。有毒。多產京西川谷。二月採根。陰乾。狀若連珠。使宜瓜蒂。反甘草。惡遠志。破癥堅積。聚如神。退面目浮腫。立効。食停胃內。有之即敗。水結胃中。非此不解。蓋氣直透所結之處。專于行水攻決。利從穀道出也。凡用斟酌。切勿妄投。

白欬

味苦甘。氣平微寒。無毒。一云有毒。隨處蔓生。深

林猶盛。根如鷄鴨卵。三五同窠。採待中秋時。黑皮洗淨。破片以竹穿。日曝。入藥。與白及並行。反烏頭。使代赭。退赤眼。除熱。散結。氣止疼。理小兒溫瘧。驚癇。療女子陰戶腫痛。殺火毒。爲火煨湯。炮聖藥。治外科。敷背。

癰疔腫神丹

白及

味苦辛氣平微寒陽中之陰無毒多出石山苗

高尺許葉青兩指大莖端生一莖花開紫紅實熟黃

黑根如菱米節間有毛二八月採乾紫石英爲使惡

理石畏杏仁名擅外科功專收斂不煎湯服惟熬膏

敷除賊風鬼擊疳緩不收去潰瘍敗疽死肌腐肉敷

山根額之上止衄塗疥癬殺蟲作糊甚粘裱畫多用

白芷

味甘辛氣溫純陽無毒一云有小毒巴郡涼

州俱多砂磧卑濕纔有獨莖發葉甚細周匝生于穗

間形類天雄入藥炮用治面上百病可作面脂主血

痺冷疼且行藥勢毆諸風冷氣解中風失音摩醋擦

身皆汗斑尤去疥癬用茹蒂煮湯然藥研末收陰囊三日愈忌淫洗濕瘰并滅癰痕

白頭翁

味苦氣溫可升可降陰中陽也無毒一云味

甘苦有小毒山谷田野在處有之苗作叢柔細稍長

葉生杪有毛不澤白色細風來反靜風去則搖與獨滑

赤箭苗莖三者無差異也近根底處白茸寸餘狀類

老翁名由此得交秋收採向日曝乾陰乾一云入藥拯疴

豚實爲使主溫瘧陽狂寒熱治癰瘕積聚腹疼逐血

愈金瘡敗風溲腰膝消癰癰散癰瘤小兒頭禿羶腥

及兩鼻血衄神効男子陰疝偏腫併百節骨痛殊功

牙齒痛亦除赤毒痢必用經云腎欲堅急食苦以堅之劑則下焦虛故必用此

以堅之也

商陸

味辛甘酸氣溫有毒一名樟柳多產郊原葉如

牛舌舒長

色純青

莖高三尺柔脆

色青赤

秋開花作朶色

赤白兩般花赤者根亦相同花白者根白無異

白根

入藥劑專利水對證可煎**赤根**見鬼神甚有毒貼腫

堪用儻爾莽誤服必痢血喪身釋文又云如人形者

有神

其根有似人形雙手雙足者能通神

今術家每云樟柳神者即此

是藥

商陸亦入神之藥

商陸名莒花尤良若陰乾搗末水

吞能治人健忘善候服後卧思所事開心復記詳明

並墮妊娠孕婦切忌

謹按白根治水方載多般或取根雜鯉魚熬湯或

咀粒攪粟米煮粥或搗生汁調酒或和諸藥爲丸
空心服之並可獲効赤根貼腫方亦不同喉痺望
塞不通醋熬敷外腫處石癰堅如石者搗擦取軟
成膿如或搗爛加鹽總敷無名腫毒古讚云其味
酸辛其形類人療水貼腫其効如神斯言盡之矣

王不留行

即剪金花

味苦甘氣平陽中之陰無毒江浙近道

俱有莖青七八寸長葉尖如小匙頭花開係黃紫色
子如黍粟殼黑微圓三月採根莖五月取花子先灑
酒蒸一伏復浸漿水一宵微火焙乾收留待用主金
瘡止血逐痛治女科催產調經除風痺風痙內寒消
乳癰背癰外腫出刺下乳止切趾煩

蒲公英

即黃花地丁草

味苦氣平無毒一名耑耑草俗呼孛孛

丁田側道傍逢春滿地葉如苦苣有細刺花類金錢

開莖端斷其莖

莖中虛如葱狀

白汁竟流開罷花飛絮隨起

絮中有子落地則生庭院有之因風吹至採宜四月

五月經入陽明太陰煎汁同忍冬臨服加醇酒潰堅

腫消結核屢著奇功解食毒散滯氣每臻神効

穀精草

味辛氣溫無毒生長穀田中採收三月後花

白葉細圓小似星故又名戴星草也理咽喉痺塞止

牙齒風疼口舌諸瘡眼目瞽膜並堪煎服取効霎時

又餵馬驢騾能殺蟲額內益力健步長毛生驥

旱蓮草

一名馬蹄

味甘酸氣平無毒濕地多生苗若旋複花

細而白色實圓而作房。摘斷枝莖汁出漸黑或煎酒服或熬膏敷。染白髮回烏。止赤痢變黃。鬚眉稀少可望生速而繁。火瘡發紅能使流血立已。

金星草

味苦氣寒無毒。多生陰濕石上。葉長凌冬不凋。背有黃點兩行。狀若金星相對。故因得此名也。五

月採收風乾入藥。鮮毒消腫。專理外科。凡百初起惡瘡。但諸未潰。陽毒沿頸。漂瘰。發背。癰疽。或剉碎煮酒頻吞。或研末調水。凝服。或煎汁淋洗。或搗爛敷塗。並可建功。立能獲効。諸丹石毒悉解。硫黃毒亦能敗。根搗浸真麻油。搽頭大生毛髮。

佛手草

味酸氣熱無毒。郊原野坂處處有之。春生苗

尺餘夏開花黃色葉與馬齒莧類細小微有白毛俗呼黃蒿人每收採搗爛和米粉作糕柔翻韌而香美可葷藥劑凡資曝乾終用以款冬爲使治寒嗽及痰尤去肺寒大升肺氣切勿避服損目失明

燈籠草

味苦氣大寒無毒在處俱有八月採收花實根莖並堪入藥苗高三四尺許花紅而類燈籠故此爲名專主熱嗽蓋因苦而除燥熱輕能治上焦故也丹溪嘗云燈籠草治熱痰嗽佛耳草治寒痰嗽

佛耳草

味耳辛氣寒有小毒出自夔州

高麗

生臨池

澤每交初夏之月葉端半白如霜農人候以蒔田三葉白草便秀故此爲譽用惟取根利大小便逐脚膝

氣除痞滿去廔破堅辟毆痰疔腫仍消積聚尤卻

徐氏草

味甘氣寒屬金與火無毒江南澤地叢生苗

莖圓細長直多採蒸熟向日曝乾拆取中心白穰用
之燃燈照夜此謂熟草不入醫方務求生剝者為良
揉碎煎湯液終効通陰竅利小便除癰閉成淋消水
濕作腫鉉播乳香少入油潤全無罐藏冰片多加分
兩不耗眼採煎服功力尤優○**醫心方**止小兒夜啼亦
能治大人喉痺金瘡敷上血禁肌生

蛇含草

味苦氣微寒無毒一云有毒石土上並生遠

近處咸有一莖五葉七葉兩種畧殊當用細葉黃花
此品繞妙昔田父見蛇含著別傷蛇即活嘗採此治

癰腫去內惡毒立痊。由此得名。外科多用。主驚癇寒熱邪氣。心腹邪氣。除濕痺。疽痔。惡瘡。鼠瘻。惡瘡。諸丹石燥毒殊功。但蛇蠍蜂傷悉効。人家多種。亦令無蛇。又用搗爛成膏。堪續已斷手指。○其根收取。乃名次。青搗細末。帶之。則疫癘不犯。主蠱毒。而逐邪惡。殺鬼魅。以辟不祥。

水葦草

即天

味鹹。氣微寒。無毒。一云味辛。有毒。雖生各

處。多在水傍。苗莖高尺餘。葉大色赤白。五月採實。用者最稀。去痺氣。除惡瘡。下水氣。解消渴。去熱明目。奇効咸臻。○**馬蓼**。葉大同前。卑濕之地亦產。夏收採曝乾入劑。主腸中蟲蛭。輕身。○**水蓼**。生淺水中。大葉上

有黑點根莖並採可用煎湯搗脚止霍亂轉筋消脚氣腫滿吞服止蛇毒攻內去痲痺脹疼水蠱黃腫腹膨用蒸汗出立愈二月勿食傷腎弱陽若合魚鮓食之令陰冷痛欲絕○**毛冬根**不死藥上有毛亦主瘰癧癰疽引膿長肉○**白茅紅茅**造酒並佳

山茨菇根

味辛苦有小毒俗呼金燈籠多生沙濕地初春萌孽葉如韭葉長青二月開花狀若燈籠色白瓣有黑點子結三稜立夏終交其前即稿依時掘地可得遲久腐爛難尋與老鴉蒜畧同在包裹上分別蒜却無毛光禿茨菇包裹有毛得之去皮生焙任用生搗爲拔毒敷藥頻換則靈焙研合玉樞神丹必資

作主消癰疽無名疔腫散癰瘡有毒惡瘡蛇虺咬傷
並服神効

山豆根

味苦氣寒無毒各處山谷俱有廣西出者獨
桂俗呼金鎖匙苗長一尺許葉兩傍而有曲紐子成
簇而色鮮紅粒似豆圓名因此得凡資療病惟取其
根口嚼汁吞止咽喉腫痛要藥水調末服除人馬急
黃捷方敷蛇蟲咬傷去血氣腹痛

黃草根

俗名鹿藿

味甘氣涼屬木無毒園圃多種五月開花

療酒疸遍身通黃絞生根汁煎下治沙淋小便澀痛
煮熟嫩苗食之咀和酒煎為破腦傷風要藥搗挽薑
汁係大熱衄血僊方安五臟輕身利胃隔明目久久

服餌歡樂無憂稽康云合歡觸怒萱草忘憂是也○

宜男

係花之字孕婦佩則生男冊奚曰性下行走陰

意存焉

蘆根

味甘氣寒無毒洲渚多生秋冬總取掘土擇其

美者有效露出及浮水者損人解酒毒退熱除煩止

嘔噦開胃下食食魚蟹中毒即刼懷胎孕發熱即敗

○花白名曰**蘆葦**主卒霍亂危急煮汁頓飲霎時可

安

孤根

味甘氣大寒無毒多生江湖陂澤葉如蒲葦尖

長抹馬甚肥作薦誠軟江南呼為茭草即此是焉四

時取根搗爛絞汁止小便利解渴主腸胃熱除煩久

浮水面者燒灰延片火灼瘡數愈用藥

蘇米即春生

莢筭煮食治心腹卒疼雜鯽魚爲羹鮮酒毒開胃丹

石熱發頓食即差須防滑中不宜多食又**蘇**當作

菰手係歲久中生白莖與小兒臂同故取爲名喚食

少追風去熱止上膈渴消食多發氣弱陽令下焦冷

滑食同白蜜瘡疾復生臺中有黑者名用之治

小兒赤痢効**藥**利五臟亦驗食巴豆人忌之細若

青麻黃名彫胡米俗每合黍粟煮過凶荒年大抵祇

之種類皆極冷利不可過食惟服金石人相宜爾

芋根

味甘氣寒無毒鄉落地多種養宿根春自發生

葉取飼池魚面青背白皮剥績暑布一年三收根輕

虛白黃採無時入藥搗敷小兒赤游丹毒及諸癰疽
發背乳房煎療女人胎動不安併產前後發熱煩悶
塞胎漏下血晉箭毒蛇傷時疫大渴狂呼非此莫卻
金石服多燥熱飲下立除藏留產婦堪用作枕
眠止血暈安臍上去腹疼瘡大解消渴蠶咬
中毒一飲即毆故近蠶室種之則蠶竟不產也

毒跡根

味甘氣寒屬水無毒葉如萵苣多產道傍根

取醋摩善走血分主小兒頭禿疥癩除熱治女子陰
蝕浸淫殺蟲去痔疽除風癬或採多熬膏加蜜用防
風研末和丸稻樓甘草酒吞治前諸證益妙日服三
十服
三
作菜茹小兒疳蟲立追
腸作瀉
苦澁平赤

白蘼能止

白蘼 味辛苦氣溫有小毒川谷蔓多遠近俱有莖紫
花白一二尺長密開花盈舊枝莖如紫梢作穗木出
葉採嫩苞莖向晴日曝乾花落葉生不堪用也得之
煮醋數沸漚出漬水一宵復曝乾收纔免毒害反其
草使決明散皮膚水腫發浮消胃隔痰沫善唾欬逆
上氣能止咽腫短氣可安歐疝瘕癰疽除蠱毒鬼瘡
令人虛損久服不宜汁漬線絲繫痔易落○根採无
毒乃名**白蘼**搗爛堪毒魚研末能敷疥

謨按芫花瀉濕利水爲藥夫水者脾胃腎三經所
主有五臟六腑十二經之部分上而頭目中而四

肢下而腰膝外而皮毛中而肌肉內而筋骨脉有寸關尺之殊診有浮中沉之異必當審其病在何經何臟乃可用之倘若誤投爲害非淺

羌活

味苦辛氣寒有毒生咸陽川谷及河南中牟苗似胡荽刺無花類芫花色白狀極細四五月採力甚猛熬令赤收入藥劑中急欲行水有是證者斟酌投煎破積聚大堅癥瘕療痰癖欬逆上氣咽喉內腫痛疰氣可散臍腹下疰癖氣塊能消

黃芩

味苦氣微寒有毒在處山谷有背日陰濕生莖有三稜皮係赤色葉青綠如小鷄翅根紫黑似老鷄頭故本經歟中亦載曰此謂草鷄頭也一說根形如大瓜下有黑

毛鬚二八月採根陰乾赤小豆蘆菌爲使豉諸毒理金

瘡惡毒殺三蟲去寸白蛇蟲仍除頭風更破癰疽

烏芋

味甘氣平微寒無毒苗似龍鬚葉如芋狀根黑

指大皮厚有毛

又一種皮薄無毛者亦同

今人謂之勒腦本經載

曰烏芋烏爲喜食又得此名水田蒔之在處有者三

月三日採根曝乾主產後血悶攻心理產難子胞不

下壓卅石除胸膈痞氣下石淋退面目疸黃風腫能

消痺熱堪卻開胃進食益氣溫中性善毀銅着之即

碎故爲消堅削積要劑也多食則生他症卒食則嘔

水來孕婦食動胎小兒食臍痛醫採搗爛蛇咬可敷

水萍

味辛酸氣寒無毒係柳絮隨風飛起入池沼得

水生成小者藻背面俱青大者萍面青背紫下無根
蒂水面漂浮入藥拯疴惟新可用七月半採依法曝
之竹篩攤開水盆架住曝向烈日總得燥乾盆無水則不燥
研末細羅蜜丸彈大豆淋酒化空心頓吞發汗驟來
毆風速退仍治時行熱病堪浴遍身癢瘡生煎消水
腫利小便去暴燥止消渴夏夜蚊蠓燒煙可除

謨按普濟大風丹云東京開河掘得石碑梵書天
篆無有曉者林靈素逐字釋解乃是治中風方歌
曰天生靈草無根幹不在山間不在岸始因飛絮
逐東風泛梗青青飄水上神仙一味去沉疴採時
須是七月半怕甚攤風與中風酒下三九都汗散

大戟

味辛甘。氣大寒。陰中微陽。有小毒。種其根賤處。處有生。春發紅芽。日漸叢長。凡實入藥。惟採正根。傍附誤煎。冷瀉難禁。惡薯蕷。使赤豆反甘草。海萍。芫花。畏菖蒲。蘆根。鼠屎。每與甘遂同利小便。消水腫。腹滿急疼。除中風。皮膚燥痛。毆蠱毒。破癥堅。通月信。墮胎。散頸癰。逐瘀。○苗名**羅葵**。味苦。兼辛。退邪熱。皮膚。卻浮腫。面目。大腹水。氣立遣。陰氣不足。堪扶。

蚤休

一名紫河車

味苦。氣微寒。有毒。川谷俱有。江淮獨多。不

生傍枝。一莖挺立。莖中生葉。葉心抽莖。年久發三四層。上有金線垂下。故又名金線重樓。俗呼七葉一枝花也。圖經云。葉如鬼臼。根若肥薑。凡入藥中。惟採根。

用主驚癇。搥頭弄舌。除濕熱。發腫作瘡。下三蟲。解百毒。或摩酒飲。或摩醋敷。

蘭茹

味辛酸。氣寒。有小毒。近產河陽。原出高麗。苗逢

春煖方起。葉類大戟。常青。花色黃。結子絕無。根皮赤。似蘿斷則流汁。黑疑如漆。故云漆頭。五月採根。陰乾。惟取頭黑者。勝。使甘草節。惡麥門冬。載素問中。云去惡血。古姚僧坦用治癰疽。作散頻敷。肉滿便止。破癥瘕。殺疥蟲。逐敗瘡。死肌。除大風熱氣。善忘不樂。亦著本經。○又**蘭茹**其根色白。因醫取黑頭入劑。採多燒熱鐵燂之。作假代真。主治不異。敷潰瘍作散。載古方亦多。

箭筈
一名鬼箭

味苦氣寒無毒深山谷多產平陸地絕無

莖類栢皮褐黃葉似山茶青綠幹有三羽狀如箭翎

削取皮羽陰乾拭淨赤毛酥炙一說只使箭頭每兩

廣任煎湯液專治女科能墮妊娠善療血氣遺邪崇

殺蠱毒破癥結通月經腹滿汗出立瘳崩中下漏即

止消皮膚風腫去腹臍白蟲產後血絞肚痛殊功惡

症卒暴心痛捷效

狼毒

味辛氣平有大毒出陝西郿州似商陸苗葉採

根八月肉白皮黃重實者良即入水浮虛者劣使黑大

豆惡麥句薑破積聚痰癖瘰癧去惡瘡鼠瘻疽蝕逐

欬逆上氣殺蠱毒鬼精走獸飛禽亦堪殺害

淫羊藿

即仙

味辛氣寒無毒莖細而堅葉圓而薄所在

俱有凌冬不凋俗呼爲三枝九葉草也但生處不聞

水聲者爲美凡採製須先酒浸過曝乾剉碎對拌羊

脂

每斤用四兩

火炒脂盡爲度羊食貪合故此著名治

男子絕陽不興治女人絕陰不產卻老景昏耄除中

年健忘益骨堅筋增力強志久服有損明載本經

味辛氣溫有大毒向陽山谷逢春則生起苗

一尺餘高結莖二月半後葉如桃葉深綠花似瓜花

正黃羊悞食之躑躅而死故本經竟名羊躑躅今南

人又喚黃杜鵑依時採花陰乾入藥主風濕藏肌肉

裏滅滅痺麻治賊風在皮膚中淫淫掣痛鬼疰毒

並卻瘟瘧惡毒齊敗

蘆

味辛苦氣寒有毒近道俱有深谷多生反芍藥

細辛及五參

人參沙參玄參丹參苦參

勿用惡大黃使黃連三月

採根陰乾去蘆微炒入藥專能發吐不用煎湯

惟作散用

主頭禿疥癬療腸辟瀉痢殺諸蟲除蠱毒去死肌愈

惡癰治喉痺不通理風痰上壅亦能醫馬塗解併敷

馬刀爛瘡

藟

音濫

音濫

即天仙子

味苦甘氣寒有毒山谷各處生苗高

四尺許葉闊三指夏開白花實同罌子作房子如黍

米成粒五月收採向日曝乾主風癰癩狂療濕痺拘

急助足健行見鬼理齒蛀蝕出蟲久服輕身走及奔

馬炒熟方益生則瀉人別說云煮一二日尚入土萌芽用者尤宜審也

續隨子

一名千

味辛氣溫有毒苗如大戟葉中抽莖開

花黃小多層結實青而有殼人家亭圃每種觀瞻又因秋種冬生春秀夏實故又名曰拒冬實也用須取仁紙裹壓以重石去油復研成霜方可入藥宣一切宿滯積聚敷諸般疥癬惡瘡逐水利大小二腸散氣除心腹脹痛敗蠱毒鬼疰消痰癖瘕癥通月經下痰飲不可過服防毒損人其經旋收敷白癰面疔即去

龍葵

味甘辛氣平有小毒園圃中俱種胡地者益

良子如牛蟬色斑葉類火麻厚大得名由此其性善

收剥殼取仁脩製忌鐵鹽湯入砂鍋煮透半日撈起

以石臼搗糜用敷無名毒瘡吸出有形滯物刺骨立

起膿血盡追塗足心下胎孕子胞如神塗巔頂收生

賜脫肛甚捷塗口眼喎僻即牽正復元左患塗右見

効急除久則反損因性峻急故也亦堪服餌方法須

依歐卒仆風癰取仁一兩黃連切或豆粒一兩水一

週三日一粒竹刀切四段每服五粒作仁風乾不得見日

送下食遠日三服不拘年消中滿水脹年廿人水研

煎沫旋加至二十粒燕逐尸疰惡氣又主寒熱風虛

服過者一生忌食豆入喉悞犯之頃刻作腹脹傾命

攝生之士不可不知。用榨取敷疥癩瘡癢。調銀硃可為印色。搗蒸敷脚氣風腫。剝額上即止。衄紅。油。燂驗。

謨按病分血氣。藥別陰陽。丹溪云。蓖麻子屬陰。主吸出有形質之滯物。故取胎產胞衣剩骨膿血者。用之。荔枝肉屬陽。主散無形質之滯氣。故消瘤瘻。赤腫者用之。苟不明此理而錯用治。則不應也。

草薺

味辛。氣大溫。無毒。出藩國中。產竹林內。苗作叢。高二尺許。葉圓綠潤。一寸餘。五月開花。白色。在表。七月結子。小指般長。秋末收。子陰乾。辛烈過於藟。蠶。嶺南海舶貿易常多。老黑者不堪。紫褐者為上。消宿食。

下氣除胃冷溫中。痲痺陰疝痛並驅霍亂冷氣痰立却。禁水洩虛痢止嘔逆醋心得訶子人參桂心乾薑為丸。治臟腑虛冷腸鳴洩痢神効。仍殺腥穢食味堪調。久服走泄真陽。令人腸虛下重。根名黑硬。近似柴胡。能治諸勞傷陰汗寒疝核腫。

鬼

味辛氣微溫有毒。齊杭裝峽最多。深山陰地絕

有獨莖起土內。一葉莖端

狀如傘莖一出如鴈掌六旦

東向暮西傾。隨日出沒。枯一莖為一臼。逐歲增添

長一莖莖枯為一臼也要求真採之。勿質假誤也。垣衣

所畏。制伏可資。辟瘟疫惡氣不祥。殺蠱毒鬼疰精物。

去目赤膚腎療喉結風邪不入湯煎。惟作散用。

乾苔

味鹹氣寒一云溫無毒即地面青苔是也滲濕

有背陰生療心腹悶煩研調水飲治霍亂嘔吐採煎

汁蠶發諸般瘡疥殺蟲下一切丹石去毒但服不可

過劑令人少血痿黃○生老屋上者名**屋上**利膀胱

吊氣及浮熱在皮膚間○生古牆側者名**墻側**主黃

疸心煩致暴熱攻腸胃內○**陽臺**生水石面止洩痢

強胃氣消穀溫中○**土馬駿**生土墻頭涼骨蒸止鼻

衄敗毒毆熱○**羅台**從井底覓療水腫添瘡熱瘡○

船向船底求治五淋鼻洪吐血○**青**生山石去

小兒時熱驚癇○**瓦松**生瓦溝通女人經絡閉澀

謹按至賤之類如許之名蓋因所附不同以致主

療各異。瓦松雖則別種，亦由溼而生，故併錄之，以便查考。

鬼督郵

味辛苦，氣平，無毒。所在山谷，有必叢生。苗惟一莖，類小箭筈，葉出莖端，如繖，根橫而不發鬚，花開葉心，其色黃白。二月八月，用惟採根，甘草水煮一伏時，漉曝乾，任凡煎服。主鬼疰、卒忤、中惡及百精毒。去溫瘧，時行疫癘，併心腹邪，強脚胠，益腎力，腰腿諸疾，並可毆除。今醫不審其真，每每以徐長卿充代，乖戾殊甚。夫長卿赤箭，鬼箭雖皆有鬼督郵別名，而治大相異也。務辯的實，切勿混淆。

蜀葵花

味甘，氣寒，陰中之陽，無毒。即家園紅白葵花。

惟川蜀產者最勝。色因有二。治亦不同。**紅葵花**治赤帶赤痢如神。血燥兼治。**白葵花**治白帶白痢速効。氣燥亦**毆**能催生墮胎。更療淋澁水腫。一切瘡疥癰毒。研末俱可敷之。**諸搗爛貼金瘡火瘡**。又煮食除熱痢。丹痢。**國理惡瘡散血**。根主客熱通便。根莖共煮汁吞。即解丹石熱結。○**黃蜀葵花**各種葉狹多缺而尖。催生產尤靈。敷金瘡更驗。**子炒研調酒**亦催產捷方。

大青

味苦。氣大寒。無毒。多生郡蜀濠淄。亦產江東州郡。葉綠似石竹莖。紫花紅如馬蓼根黃。入藥用葉。莖葉春末夏初收採。仲景書內。每每擅名。傷寒熱毒發斑。有大青四物湯飲効。傷寒身強脊痛。有大青黃芩

湯服靈。又單味夫青煎湯治傷寒黃汗黃疸天行時疫尤多用之。仍習腫。且鮮煩渴。○異種惟產福州。屬福土人用治癰瘡取生搗敷上。

王瓜

味苦氣寒無毒。一云有小毒。生平澤田野及籬

塹垣墻。一名土瓜。處處俱有。月令四月王瓜生。即此是也。作藤蔓發葉多刺微圓。逢夏至開花深黃單瓣實結一二寸許成熟七八月間外殼紅黃如粘棧狀。中子紫赤似螳螂頭。採入醫方。兩用治小便數遺不禁潤心肺。鮮蠱毒。卻黃病黃疸。用子宜生。擦下。廁赤白雜來。歐腸風除肺癰止血溢血泄。用子須炒根搗汁去小兒閃癖痞滿及天行熱疾發狂痰癰暴

生並可服也。但少爲奇。多服則根煎湯破。婦人血瘕。堅癥。併撲損瘀血作痛。乳汁不下。俱當飲之。過多不
妙。仍逐骨節中伏水。更消項頸上瘰癧。去濕痺。緩疼。
散癰疽。癰腫。通經墮孕。益氣愈瘕。

瘕